

ԱԼԿԱՐԴ ՄԻՆԱՍՅԱՆ

Վ. ԱՐԵՎԵԼՅՈՒ «ՏԻԵԶԵՐԱԿԱՆ ՊԱՏՄՈՒԹՅՈՒՆ»
ԱՇԽԱՏՈՒԹՅԱՆ ՀԵՂԻՆԱԿԱԿՅՈՒՆ
ՆՈՐԱԿԱԶՄՈՒԹՅՈՒՆՆԵՐԸ

Վ. Արևելցու բառային կազմն իր գործառական և իմաստային դաշտերով միատարր չէ: Այդ շերտերի կամ խմբերի բացահայտումը կարող է պատկերացում տալ XIII դարի հայերենի բառային կազմի ոճական-գործառական հաճախականության, դրանց ծագման աղբյուրների՝ բնիկ հայկական, փոխառյալ ու բարբառային տարրերակների մասին:

Վ Արևելցու պատմության մեջ հանդես եկած բնիկ հայկական և փոխառյալ շերտերը նկատվում են և գրական լեզվի, և՛ համաժողովրդական ու բարբառային տարրերակների մեջ:

Վ.Արևելցու պատմության մեջ առանձնացնում ենք՝ ա) հեղինակային նորակազմություններ, բ) առաջին իմաստային վկայություններ, գ) բառեր, որոնք արձանագրված չեն ՆՅԲ-ում:

ա) *Հեղինակային նորակազմություններ*

Վ Արևելցու պատմության մեջ հանդիպում ենք շուրջ երեք տասնյակ հեղինակային նորակազմություններ, որոնք իբրև առաջին բնագրային վկայություններ, հիշատակում են ՆՅԲ-ի հեղինակները: Ըստ վերոնշյալ բառարանի՝ այդ բառերի մի մասը գործածել է միայն Վ Արևելցին, իսկ մյուսները՝ նաև ուրիշ հեղինակներ: Նորակազմ բառերի մի մասը ներկայացված են Վ. Արևելցու երկերի աշխարհար թարգմանության մեջ: Նորակազմ բառերի քննությունը կատարվել է դրանք բառակազմական հիմքերի բաժանման հենքով: Այստեղ առկա են հայերենի բառակազմությանը բնորոշ գրեթե բոլոր կաղապարները, ինչպես՝

1. *արմատ + արմատ* - լուսարծակ (23),
 2. *արմատ+հողակապ+արմատ*-նախահաւ, խարափածայն (24), խորամեջ (23),
պատկերագիր (17) :
 3. *արմատ + ածանց + ածանց + ածանց* - լուսաւորչութիւն (50)
 4. *արմատ + արմատ + ածանց* - կազագործութիւն (27)
 5. *արմատ + արմատ* - քարոռն(ք) (127):
- բ) *Առաջին իմաստային վկայություններ*

Վ.Արևելցու աշխատության մեջ հանդիպում են այնպիսի բառեր,որոնք արձանագրված չեն ՆՅԲ-ի հեղինակների կողմից,սակայն դրանց մի մասը ներկայացված են ՄՅԲ-ում¹: Այդ բառերն են՝

1. Ձանապ - (արաբական փոխառություն) - զենէպ , այսինքն՝ տուտ, ծետ, ազի, Վիշապատուտն անուն աստեղ. «Վիշապն՝ որ ասեն զամենայն երկինս բոլորյալ է.զորոյ զտուրն և զգլխին ռաստ և զանապ կոչեն աստղագետքն և զխավարն արեգական և լուսնին անտի ասեն» (էջ՝ 140)

2. Կազագործություն - (արաբ. փոխ.) - կերպասագործություն, ոստայնանկություն.

«Առ սովաւ գտաւ քանդուած նկարս, և կազագործութիւն և չափ և կշիռ» (էջ 27) :

Հայերեն արմատական բառարանում հանդիպում է կազ արմատը՝ նույն իմաստով. «...կերպաս, դիպակ, մետաքս»: Արաբացված է պարսկերեն kâz կամ kaj «ցածր տեսակի մետաքս» բառից: Հիւր. 268:

ՆՅԲ-ում հանդիպում է ռամկ.՝ կեզի, կէյսի, զըզզ և ֆրանս. gaze «շղարշ» բառերը²:

3. Լիսեռն (լիսոռան) - ծնկոսկր. «Յոսկերացն Ադամայ ետ նմա ցլսռուն ծնկացն» (էջ 22):

4. Սայապես - այսպես, սույնպես. «Հայք մտին ընդ հարկաւ. սայապես և Ասորեստան...» (էջ 43):

5. Կոկոզաբան - (բուն հայ.) մեծաբերան, զոռոզ,բանիւր: Արմատական բառարանում հանդիպում ենք կոկոզ արմատի բացատրությունը՝ մեծամիտ, հպարտ: Առանձին չի գործածվել,բայց դրանից են ածանցված կոկոզաբան (Վրդն. պտմ.), կոկոզաբանել (Արծր.) բառերը: Կրկնված է կոզ անձանոթ պարզ արմատից³. «...թեքեալ ի ճոռոմ բանս կոկոզաբանիզն և կկզայօնից փիլիսոփայից» (63):

6. Կկզայօն -(բուն հայ.) - բարձրամիտ՝ ըստ ՄՅԲ-ի. «...թեքեալ ի կկզայօնից փիլիսոփայից » (63):

7. Կատապան (հուն.) - գլխավոր ամենապետ կամ համակար իշխան - Միջին հայերեն բառարանում՝կառավարիչ կուսակալ, իշխան. «Անդրէն դարցուցանեն պարգևօք, և կառապան եդին իմքեանք քաղաքին» (104):

8. Ալփալիտը - Սբ.գիրն է, » ...ըստ ալփալիտացն համարոյ» (80):

¹ Ռ.Ղազարյան և Հ.Մ.Ավետիսյան, Միջին հայերենի բառարան, Երևան,1987թ., հ. I:

² Հր. Աճառյան, Հայերեն արմատական բառարան, հատոր II, Երևան 1973, էջ 478:

³ Հր. Աճառյան,նշված աշխատություն,էջ 617:

9. Սագապուրծ - մագից փրկված. «Հետիոտս փախյալ միայն մագաաուռծ: Մերկանդամ և մագաաուրծ ապրել»:

10. Շանթակեզ առնել, լինել – շանթից կիզգվել, կայծակնահար առնել, լինել: «Զոր շանթակեզ առաւ տէր ի մմին գիշերի: Շանթակեզ եռեն ի միում աւուր: Շանթակեզ լինէր ասկղեպիաղէս»:

11. Լալ - բառ ռմկ. - երկալուսնածև ի ներքանս ծիոյ կամ կօշկաց: Ետ բերել ճալ ծանրագին և բարձրասակ և դնել ի վրայ կաթուղիկէին անույ եգի լիցի մզկիթ: (էջ 122)

12. Լախահաւ – proavus - մախնի, պապ. «Նոթին մախահաւն ոսկորս լեալ էր յերուսաղէմ յաւուրս տն. մերոյ յն. զն. ճգ. Ժամանեաց մմա վճիռ մախահաւուն. քանզի որդի էր և մա Ադամա» 13.

13. Ռաստ-ռասդ - Աջ, հաջող. և հաջողված դեպք. «Եւ անդ դիպին թանձր ամպքն՝ կոչեցեալ ռաստ» (էջ 140).

14. Լերդաչարչար - լյարդը չարչարող, սրտամորմոք. «... որ չարչարէ զլեարդն, խորովիչ սրտի՝ աղեաց գթոյ», «Քանզի մա եղև զլուխ գերեւոցն մեր և հուր աղեկեզ և լերդաչարչար և սրտակտուր աշխարհիս մեր և ազգիս»⁴:

15. Լաղապ - (արաբ. - laqab) - տիտղոս, պատվանուն. «Առաքէ մմա ընծայս, և ալամ և լաղապ (պիտ. է լաղապ) Ամին Աբդու և սուլտան կոչէ զմա» (էջ 99):

16. Քարորմ(ք) - քարեղեն որմ. «Զգանկս դներ ի բարձրութեան մնիրային ի չարս քարնորմոցն» (էջ 127):

17. Լուսարծակ - լույս արծակող՝ տվող, շողշողուն. «Ասեն և ակունս լուսարծակս դնել առ պատուհանօքն»:⁵

18. Խալեֆայ - (ի-գ. արաբ.) - հաջորդ, աթոռակալ: «Սեփական անուն հայորդաց մահմեդի ամիրապետացն հագարացոց. Ել համբաւ զմմանն ուժգին մինչև խալեֆայն երկուցեալ առաքէ մման ընծայս», «Գայ ի խալիֆայէն դեսպան» (էջ 106):

19. Խարափածայն (ա.) - թերևս՝ կերկերուն, կերկերածայն (լեզվի մասին) «Եգիպտացին խառափածայն. և հնդկն ճճուող» (24)⁶:

20. Խիլայել – (մ.) զգեստ նվիրելով պատվել, ընծաներով մեծարել, խիլա ընծայել: «Յոթն անգամ արքունական զգեստիւք խիաւե զմա և առաքէ ի հույս»:

21. Տուղրա - (չվկայված-թուղրա, պարսկ.) - արքունի կնիք. «Եւ պատուէր պարզօք, և տուռուաիւ գրոյ» (109):

⁴ Ո.Ղազարյան և Հ.Մ.Ավետիսյան, նշված աշխ., էջ 305:

⁵ Ո.Ղազարյան և Հ.Մ.Ավետիսյան, Միջին հայերենի բառարան, Երևան, 1987թ., հ. I, էջ 17:

⁶ Ո.Ղազարյան և Հ.Մ.Ավետիսյան, նշված աշխ., էջ 19, ՄԺ(13-18-րդ դարեր. հ. II, Եր. 1956):

22. *խորեալ* - *խորմոթեալ* (ն.) - խթանել, խթել (չվկայված).

«Եւ ի մօտելն մտրակեալ զնա և *խորմոթեալ* անդրէն դառնայր որպէս փախստական» (հին օ-ում)⁷: (125)

23. *խարած* - (արաբ., պարսկ. — xaraj) - հարկ, տուրք, դրամապահիակ. «Ի նույն ամի Սարգիս ոմն խաչենցի կայր ի Գանձակ և առնոյր *խարած*» (135):

24. *Նֆատ* - (նփատ) - «...*նֆատ* ձգեալ ի նաւսն՝ այրեաց երեսուն հազար արանց» (134):

25. *խեղդիչ* - (ա. փխբ.) - ծանր, դժվարին. «Անցաք մեք ընդ հուր և ընդ ջուր զանազան այրին և *խեղդիչ* որոգայթից»⁸ (164):

26. *խորամէջ* - (ա.) - մեջը խորը եղող. «Արծակահիմն, *խոռամէջ*, լայնափողոց» (23):

գ) *Բառեր, որոնք արծանագրված չեն ՆԴԲ-ում*

Այդ բառերն են՝

1. *Կճաակուռ* - պինդ կաճից՝ թաղիքից պատրաստված. «Սատակելով զգօրագլուխ նոցա զվառեալն *կճաակուռ* թաղեալ» (էջ՝ 54):

2. *Լուսաւորչութիւն* - (Գ.) - լուսավորիչ լինելը, լուսավորական գործունեություն. «Յերեսներորդ ամի *լուսաւորչութեանն* իւրոյ սուրբն Գրիգոր զԱրիստակէս առաքէ ի Կեսարիա» (50):

3. *խածեւաթ* (*խածեւաթ-գ.*) - արաբական ծես, որի համաձայն նորընտիր իշխաններին ձևի համար շղթայուն և ծեծում էին, իբրև նշան, թե սրանք անչափ հնազանդ են ամիրապետին: «Յարկանէ զնա *խածեւաթ* արարեալ, որպէս թե անչափ հնազանդ է իւրում առաջնորդին» (107):

4. *խորամէջ* - (ա.) - մեջը խորը եղող. «Արծակահիմն, *խոռամէջ*, լայնափողոց» (23):

5. *խորեալ* - *խորմոթեալ* (ն.) - խթանել, խթել .

«Եւ ի մօտելն մտրակեալ զնա և *խորմոթեալ* անդրէն դառնայր որպէս փախստական» (հին օ-ում), (125):

Եզրակացություններ:

1. Վ.Արևելցու «Տիեզերական պատմության» աշխատության լեզուն իր մեջ ներառում է միջին հայերենի և ժողովրդախոսակցական լեզվի միջոցներ: Չեղինակի բառային զանձարանն իր գործառական և իմաստային դաշտերով միատարր չէ: Այդ շերտերի կամ խմբերի բացահայտումը պատկերացում է տալիս XIII դարի հայերենի բառային կազմի ոճական -գործառական հաճախականու-

⁷ Ռ.Ղազարյան և Հ.Մ.Ավետիսյան, նշված աշխ., էջ 159:

⁸ Ռ.Ղազարյան և Հ.Մ.Ավետիսյան, նշված աշխ., էջ 215:

թյան, ծագման աղբյուրների՝ բնիկ հայկական, փոխառյալ ու բարբառային տարբերակների մասին:

2. Պատմության մեջ հանդես են եկել բնիկ հայկական և փոխառյալ շերտեր, որոնք նկատվում են և Բ գրական լեզվի, և Բ համաժողովրդական ու բարբառային տարբերակների մեջ:

3. Պատմության բառապաշարի ուսումնասիրությունից կարող ենք եզրակացնել, որ Վ.Արևելցու երկում կան շուրջ երկու տասնյակի հասնող բառային միավորներ, որոնք հեղինակային նորակազմություններ են: Նորակազմ բառերի մի մասը ներկայացված են Վ. Արևելցու երկերի աշխարհաբար թարգմանության մեջ: Նորակազմ բառերի քննությունը կատարվել է դրանք բառակազմական հիմքերի բաժանման հենքով: Այստեղ առկա են հայերենի բառակազմությանը բնորոշ գրեթե բոլոր կաղապարները: Այս երևույթը միաժամանակ պայմանավորված է հեղինակի լեզվի յուրահատկություններով և նրա անհատական լեզվամտածողությամբ:

4. Վ.Արևելցու աշխատության մեջ հանդիպում են շուրջ երեք տասնյակ բառեր, որոնք արձանագրված չեն ՆՅԲ-ի հեղինակների կողմից, սակայն դրանց մի մասը ներկայացված է ՄՅԲ-ում:

5. Վ.Արևելցու աշխատության մեջ հանդիպում են մի քանի բառեր, որոնք տեղ են գտել ՆՅԲ-ում՝ որպես իմաստային առաջին վկայություններ: Ըստ վերոնշյալ բառարանի՝ այդ բառերի մի մասը գործածել է միայն Վ. Արևելցին, իսկ մյուսները՝ նաև ուրիշ հեղինակներ:

Վ.Արևելցու «Տիեզերական պատմություն» երկը հայ մատենագրության մեջ ոչ միայն պատմագիտական ու աղբյուրագիտական, այլև բանասիրական՝ լեզվական, բնագրագիտական մեծ արժեք ունի: